

# Rede ba Rai Timor-Leste

Secretariat iha Fundasaun Haburas, Rua Celestina da Silva, Farol, Dili, Timor-Leste  
telefonu: +670 730 7800 email: [redebarai@gmail.com](mailto:redebarai@gmail.com) web: [www.redebarai.blogspot.com](http://www.redebarai.blogspot.com)

## Aktividade Sira Ne'ebé Mínimu Atu Asegura Partisipasaun Públiku Efetivu iha Prosesu Atu Halo Esbosu Lei ba Rai Tranzitóriu

10 Junhu 2009

### Informasaun Públiku

- Halo konsultasaun públiku iha fulan 5 mínimu. Mínimu uja fulan uluk, atu hafahe informasaun no promove diskusaun públiku kona ba esbosu lei molok konsultasaun públiku hahú.
- Prepara sumáriu nu'udar aspeitu xave no mós konsetu ba esbosu lei ba ema ne'ebé mak seidak iha edukasaun formal barak bele hatene, no fahe hamutuk ho sira kona ba esbosu lei.
- Halo kalendáriu ba konsultasaun públiku hatama data no fatin. Tenke halo ne'e bainhira prosesu konsultasaun hahú, nune'e komidade no sosiede sivil bele hatene bainhira konsultasaun to'o iha sira nia fatin.
- Fahe esbosu lei, sumáriu no horariu kona ba konsultasaun ba iha Konsehu Suku tomak, no mós administradór distritu sira, parte seluk iha lider-lokál no DNTPSC no Ita Nia Rai-nia edifisiu sira molok prosesu konsultasaun públiku hahú. Tau informasaun kona ba konsultasaun no mós horariu ba kuadru-avizu iha Sede Suku hotu.
- Fó kopia ba esbosu lei, halo sumáriu no mós horariu kona ba konsultasaun públiku ne'ebé ajénsia seluk, organizaun sosiedade sivil no mós membru públiku bele asesu. Ne'e bele ajuda ho distribuian ne'ebé justu, nune'e hafahe ho komidade-nia membru sira hotu.

### Enkontru Públiku

- Asegura katak enkontru konsultasaun públiku ne'ebé Ministeriu Justisa/Ita Nia Rai mak fasilita, mínimu iha distritu 13 ho partisipasaun públiku aas tebes.
- Kria mekanizmu atu involve ema husi nivel kraik. Por ejemplu, koordena ho grupu sosiedade sivil no edifisiu distritu DNTPSC, no mos fó treinamentu ba Konsehu Suku, atu hetan oportunidade hodi partisipa, mínimu iha sub-distritu hotu. (Ami mós fó korajena ba ema organizadór atu fasilita kareta atu tula partisipantes atu ajuda ema atu mai enkontru)
- Asegura katak anúnsiu kona ba enkontru públiku katak membru komidade hot-hotu sira mós simu konvite, no mós fó korajen ba ema barak hodi hetan partisipasaun.
- Fasilitadór ba enkontru konsultasaun públiku atu fó oportunidade espesífiku ba partisipante fetu atu koalía (la'os loke oportunidade jéral de'it ba fetu atu koalía). Fasilitadór mós tenke asegura katak ema husi tinan hot-hotu iha oportunidade atu koalía.

- Enkontru públiku ba konsultasaun presiza mínimu loron 2 ka 3. Loron uluk atu fahe informasaun sira, no loron ne'eb'e tuir mai atu simu partispantes nia hanoin.
- Halo enkontru konsultasaun públiku iha lian Tetun, maibé ho fleksibilidade atu mós haree ideas iha lian komidade (hanesan haree tradusaun informal husi membru komidade).
- Monitor sé mak "públiku" ne'ebé mai no partisipa iha enkontru konsultasaun públiku atu asegura katak grupu ne'ebé vulneravel liu, hanesan feto, mai no mós partisipa duni.
- Ami mós fó korajen atu tau hamutuk perspetiva diferente durante iha enkontru konsultasaun públiku ne'e. Por ejemplu, bele konvida membru sosiedade sivil, ema akadémiku, ka autoridades rai tradisionál atu bele hola parte.

### **Akontabilidade**

- Halo reportajem ne'ebé públiku bele asesu no mós labele kleur husi tempu konsultasaun ne'ebé dokumenta sujestaun no mós ideas husi konsultasaun públiku. Determina ba parametros ba reportajem ne'e no mós sé mak responsabiliza, molok konsultasaun públiku hahú. Prosesu ne'e bele haforsa akontabilidade kona-ba oinsa ideas komidade-nian inkorpora iha esbosu lei.
- Halo deklarasion ida atu hatudu oinsa kontribusaun públiku inkorpora iha esbosu lei.